



**Theologiae Moralis Super Decalogum Seu Decem Dei
Praecepta Pars ...**

Tractatus II. In I. Præceptum De Fide, Spe, Charitate, Religione, & Peccatis
oppositis

Sporer, Patricius

Salisburgi, 1711

Sectio IV. Cultus sacrarum Imaginum, & Reliquiarum.

[urn:nbn:de:hbz:466:1-59952](#)

rebus intersim : quoniam defuncti per naturam
propriam vivorum rebus interesse non possunt.

SECTIO IV.

Cultus sacrarum Imaginum & Reliquiarum.

S U M M A R I U M.

34. Imagines quid, & cur siant?

35. Licitè habentur Imagines Dei,

36. Item Imagines SS. Angelorum,

37. Ac Imagines Christi, & Sanctorum,

38. Licitè & sanctè coluntur, & adorantur;

39. Cultu tamen, & adoratione Respectiva tantum,

40. Objectiones Hereticorum

41. Solventur.

42. Reliquiae Sanctorum,

43. Licitè & sanctè etiam honorantur,

44. Cultu tamen item respectivo tantum ad ipsos Santos.

45. Quo cultu & Sanguis Christi ex Passione relictus,
vel in Eucharistia miraculose apparet, & alia Reliquiae
ex contactu Corporis Christi sanctificatae, ut Crux, Coro-
na, & alia Passionis instrumenta adoranda sint?

46. Objectiones Hereticorum

47. Dissolventur.

48. Que Sancti Imagines, & Reliquiae possint coli cultu pu-
blico, & que privato?

ASSERTIO IV.

ASSERTIO IV.
Sacra Imagines Dei, Christi, & Sanctorum res-
tè habentur, licet & sanctè coluntur, & ad-
orantur, sed cultus & adoratione respectiva-
tum conformi ad sua prototypa. Est de Fide
Catholica contra Hæreticos Iconoclastas antiquos
& modernos, definita in variis Conciliis, & no-
vissimè in Trid. paulò antea cit.

S. I.

Sacra Imagines rectè habentur.

24 **I**MAGO propriè definitur figura picta, vel sculpta, verè repræsentans aliud, cuius est imago, quo differt ab idolo, quod falso quid repræsentat, ut imago chimæræ. Tripliciter autem pœtest fieri, pingi, vel sculpti imago, vel similitudo alterius. 1. Ad exprimendum veram similitudinem formæ, vel naturæ alterius; & hoc modo solùm rerum corporearum, & sensibilium, quæ lineamentis & coloribus, formâ & figurâ prætæ sunt, imagines fieri possunt, & tales inter seeras imagines tantum sunt imagines Christi hominis, & Sanctorum, quoad formam & figuram externam corporalem, indirectè tamen solùm repræsentantes animas sacras: at nullo modo possunt esse tales imagines Dei, Angelorum, & ularum rerum spiritualium: & qui hac ratione tentaret facere imaginem Dei, verè constitueret idolum; quia falso repræsentaret. 2. Ad repræsentandam solùm historiam oculis exhibendam, ut qui vellet depingere expulsionem Adæ ex paradiso, pingaret Deum in forma hominis semigravis deambulantis, Angelum in forma humana juvenili gladium gestantem, Adam & Evi nudos &c. non utique ad repræsentandam naturam, vel similitudinem propriam Dei, vel Angeli, sed solùm ad repræsentandum oculis suis personis, ut in Scriptura legitur: & hoc modo Deum, & Angelos pingi posse, nullus ne Hæretici, nec ipse Calvinus, omnium acerrimus

imaginum hostis, negat. 3. Etiam solitariè extra historiam solum ad repræsentandam aliquam proprietatem, affectionem, operationem vel mysticam significationem alterius rei; & hac ratione depinguntur Imaginis Dei, & SS. Triadis in forma visibili, Divinus Pater in forma Viri senis; quia est antiquus dierum, & principium aliarum personarum, divinus Filius in forma Viri juvenis; quia est filius Patris, & talem naturam humanam assumpsit. Spiritus Sanctus in forma columbæ, quia talis apparuit. Sic Angeli in forma juvenum alatorum; Christus in forma Agni; Evangelistæ in forma quatuor animalium depinguntur, omnia ob aliquas proprietates, & mysticas significaciones, prout ex Scripturis, & SS. PP. nosse debemus.

§. II. De boni non sordi

Imagines Dei.

Certum omnino esse debet, licitum esse in No-²⁹ va Legi Deum, & Sanctissimam Trinitatem depingere, & repræsentare in forma corporæ, & visibili prædictis modis, etiam extra historiam, juxta communissimam DD. Catholicorum, accedente jam usu Ecclesiæ, in qua jam ubique fore sunt receptæ ejusmodi imagines: nec credibile est, Ecclesiam toleraturam universaliter aliquid illicitum. Ratio sumitur ex S. Scriptura, quâ constat Deum ipsum hominibus apparuisse in forma corporeâ & visibili. Gen. 3. Apparuit Adæ tanquam homo deambulans ad auram post meridiem. Gen. 28. Jacob vidit Deum in forma vi-

11018

sibili innixum summitati scalæ. Isa. c. 6. vidit
Dominum sedentem super solium excelsum.
 Dan. c. 7. vidit. **Antiquum dierum in throno su-**
deniem capite & crine canum, seu capillis albis
 prout pingitur divinus Pater; Denique Matth. 3.
 apparuit Spiritus Sanctus in specie columæ: atque
 licet de pingitur & repræsentatur, quod rever-
 gestum est; ergo si Deus ipse ita apparuit, ut ei
 tali forma corpoream mentem hominis erigeret
 incorporea, & spiritualia apprehendenda, et
 non etiam nobis liceat id pia recitatione piclis, vel
 sculptis imaginibus imitari, repræsentare, &
 tolere. Attamen sententia Bellarmin. cit. lib. 2. c.
 8. de Sacris imaginibus. Laym lib. 4. tract. 7. q.
 5. non esse omnino certum, nullo minus de Fide
 usum talium imaginum in Ecclesia habendum
 esse. Unde non modò contra iocunt hæretici, ita
 etiam nonnulli Chatholici Abulensis in c. 4. De-
 ter. q. 5. Henricus Gandavensis. Durandallii; id est
 maximè ob periculum idolatriæ; quamvis non
 adeò certum, & de Fide non sit, ob Ecclesiæ tra-
 men universalem consuetudinem, & DD. Ortho-
 doxorū consensu negari absque temeritate
 non potest. Et licet revera subsit periculum ide-
 olatriæ maximè quoad rudiores (unde olim Ju-
 dæis ad idolatriam valde pronis, usus omnino
 imaginum interdictus videtur) attamen in No-
 va Lege facile doceri potest, & omnino debet po-
 pulus Christianus, non propterea Divinitatem fe-
 gurari imaginibus, quasi corporeis oculis con-
 spici, vel coloribus exprimi possit. Ut autem

§. III.

Imagines SS. Angelorum.

Certiū utique est eos licetē depingi, etiam ex-²⁶ tra historiam, formā corporeā defacto præ-
fertim consuetā honestissimā : quia non modò
Angeli in tali forma tæpissime apparuisse deser-
buntur in Scripturis V. & N. Testamenti, Verūna
etiam in V. T. Cherubini corporali forma ad Ar-
cam in templo, ac alibi etiam ex auro erecti, &
repræsentati sunt : ergo rectè à nobis etiam sic re-
præsentantur, ut mens ex forma visibili & simi-
litudine sibi notā assurgat ad spiritualia aliqualiter
intelligenda : ubi tamen iterū sedula & diligens
populi instructio esse debet, ne tales esse putans
Deum & Angelos, quales in imaginibus repræ-
sentantur, tanquam tales colat, & veneretur.
Tunc enim esset verissima idolatria, seu cul-
tus idoli falsum repræsentantis. Mysteria pi-
cturarum, Angelorum videre potes apud Scriptu-
rā.

§. IV.

Imagines Christi, & Sanctorum.

Certiūm est eas licetē sculpi, pingi, ha-²⁷
beri, & asservari à Christianis, idque de Fi-
de: sicut de Fide certum est, eas imagines licetē
coli: ut certè constat Iconoclastas antiquos &
modernos Calvinistas, eorumque successores
omnem prorsū usum imaginum Christi, &
Sanctorum extra historiam eliminare: Luthe-
rani

rani verò non prohibent usum imaginum Christi & Sanctorum, etiam extra historiam solum memoria, sed tantum prohibent, quoad cultum Catholici verò & pro memoria, & pro cultu admittunt. De quo agit Decretum Conc. Trident. Sess. 25. De cunctis Sanctorum & imaginum ita tenuis: imagines porrò Christi, Deipara Virginis & aliorum Sanctorum in Templis praesertim habendas & rotinendas, eisq; debitum honorem & venerationem impertiendam (decemnimes) non quod credatur inesse aliqua in iis Divinitas, vel virtus, propter quam sint colendae: ut quod ab eis sit aliquid petendum, vel quod fiducia in imaginibus sit figenda, veluti olim facta a gentibus, qua in idolis spem suam collocauerunt sed quoniam homines, qui eis exhibetur, referunt ad prototypa, que illa representant: ita, ut per imagines, quas osculamus, & procumbimus Christum adoremus, & Sanctos, quorum militudines gerunt, veneremur. Id quod Conciliorum prasertim verò secunda Nicana Synodi Decretis, contra imaginum oppugnatores, saneatum. Ita Con. Trident. de Catholico cultu & adorationis sacrarum imaginum, His pro fundamento positis, esto

§. V.

Licitè & Sanctè coluntur, & adorantur.
281. **P**robatur ex Scriptura Exod. 25. Ezechiel. duo Cherubim super Arcam Testamenti. Num. 21. Jussu Dei eretus est in sublime serpens. Has imagines, seu signa sacra honorantur.

Cap. VIII.
Sect. IV. De Cultu SS. Imag. & Reliquiar. 465

um Christi,
solum pro
ad cultum
ro cultu ea
nc. Trident
inum ita
ara Virgin
prefam
cum hanc
decernim
iis Dru
olender:
l quod fili
olim fide
collocabat
r, referat
ita, ut per
cumbimus
rum illa
quod Co
icane Sy
nator, o
holico lella
num, Ha
orantur
Erefti
Telfamend
me serp
ra honora
dij

esse, & honorari debuisse constat ex Regula S. Augustini lib. 3. de doctrina Christiana c. 9. dicentis: ligna utilia divinitus instituta honoranda esse; quia honor eorum ad prototypon transit: atqui imagines illæ Cherubin, & serpentis fuerunt quam maxime utiles, & divinitus institutæ, ut S. Scriptura testatur; ergo fuerunt honoranda, & honorata. Jam vero si licuit venerari imagines Angelorum, cur non etiam Sanctorum? si licuit venerari Christum in imagine serpentis (serpens enim ille æneus figura Christi fuit, ipso Salvatore tellante Joan. 3. sicut exaltavit Moyses &c.) cur non potius venerabilis sit imago Christi in forma propria hominis, vel ejus Crux, Crucisve imago?

II. Autoritate SS. PP. D. Chrysost. in Liturgia inter alia: *Sacerdos ad imaginem Christi caput inclinat.* D. Ambr. serm. 10. in Ps. 118. Qui imaginem coronat Imperatoris, utique illum honorat, cuius imaginem coronavit, &c. optimè applicans de cultu imaginum Christi, & Sanctorum. D. Aug. lib. 3. *De Trinit.* c. 10. late lib. 10. confess. c. 24. Et alibi S. Damascen. *de Fide Orthodoxa.* lib. 4. c. 17. Et specialiter Crucem, ac Crucifixi imaginem semper fuisse in Ecclesia honorata, certissimum est apud SS. PP. Lactantius in carmine de Passione Domini: *Flette genu, Ligamine Crucis venerabile adora.* D. Ambr. Orat. pro obitu Theodosij: *Sapienter Helena egit, qua Crucem Christi in capite Regum levavit, & locauit, ut Crux Christi in Regibus adoretur.* S. THEOR. MORAL. PARS II. Gg Hie-

Hieron. in vita Paulæ : Prostrata ante Crucem
quasi pendentem Dominum cerneret , Adorauit. D. Athanas. q. 16. ad Antioch. Et Tertullian. in Apologetico c. 16. dicunt : Christianos appellatos Religiosos Crucis.

III. Miraculis infinitis ad Imagines Christi Crucis, & Sanctorum patratis, beneficiisque exhibitis earum cultoribus , quibus Deus ostendit earum cultum sibi gratum esse. Antiquissima hanc de ipsa Cruce Christi inventa. De statua Christi erecta ab Hemorrhoissa: omnia autem ejusmodi miracula , omnibus sæculis hucusque toto orbem facta , conficta , aut dæmonum ope facta esse affirmare, intolerabilis est protervia Hæreticorum.

IV. Ratione. Homo dignus est veneratio, quia est imago Dei juxta illud Cyrilli catechesis 12. *Imago lignea terreni Regis , honoratur quanto magis rationalis Imago Dei?* Ergo & cœteræ Imagines Dei, Christi, & Sanctorum veneratione dignæ sunt, quod enim uni imaginis conuenit, quia imago est, omnibus imaginibus, quae imagines sunt, convenire debet. Item *Imago Regis* est venerabilis cultu civili ; cur ergo Imagines Dei, Christi, & Sanctorum non etiam sint venerabiles cultu aliquo religioso competente his prototypis. Denique imagines capaces sunt iniuriaræ & contumeliaræ ; ergo à contrario etiam honoris , atque cultus. *Ant.* patet innumeris hillocastarum.

§. VI.

Sed Cultu, & adoratione respectiva
tantum.

Certum enim est imagines quasvis non esse co- 29
lendas, vel adorandas cultu, vel adoratione
absoluta propter se ipsas, earumque intrinsecam
aliquam excellentiam: omnes enim imagines sunt
secundum se creaturæ irrationales, & inanimes;
nulla autem creatura irrationalis capax est cultus,
vel adorations: quia nimirum cultus vel adoratio
est signum, vel protestatio submissionis vel subje
ctionis erga alterum: homo autem nulli creaturæ
irrationali, sed omnis creatura irrationalis potius
ipsi homini subjecta est.

II. Coluntur ergo, & adorantur imagines re
spective tantum, propter respectum ad sua pro
totypha, uti explicat & definit Trident. Sess. 25.
Imagini honorandas esse, quoniam honor, qui eis
exhibitetur, refertur ad prototypa, quæ illa repræ
sentant. Unde cultum sacrarum Imaginum à simi
litudine cultus Imaginis Imperatoris ad ipsum Im
peratorem relati explicant SS. PP. D. Damascen.
Orat. 3. de Imaginibus. D. Ambr. paulò suprà
cit. D. Aug. lib. 3. de doctrina Christiana c. 9. Qui
veneratur utile signum divinitus institutum,
cujus vim, significationemque intelligit, non hoc
veneratur, quod videtur, & transit, sed illud
pium, quò alia cuncta referenda sunt.

III. Coluntur ergo, & adorantur ipsæ sacræ
Imagini solùm per accidens, & concomitanter
ad suum prototypon, quatenus nimirum in iis

velut signis, vel speculis apprehendimus Christum,
vel Sanctos, & ad eos colendos & adorandos exte-
tamur, & consequenter adorando Christum, ut
aliquem Sanctum concomitanter, & per accidentem
necessariò etiam adoramus & colimus Christi, ut
Sancti illius imaginem. Quod D. Damascen. Orat.
I. de Imaginibus eleganter declarat à simili dicens.

Quemadmodum purpura & sericum, & quo-
ex his vestimentum conficitur, per se nihil a-
liud est, nisi tenuē quoddam operimentum, qua-
tamen si Rex induerit, honoris, quo prae-
Rex, ipsum quoque particeps sit. Ita res ex me-
teria constantes per se quidem adoranda su-
sunt: at si gratiā plenus sit is, quem illa referat
pro Fidei portione ipse quoque particeps fuit.

IV. Aliud simile indicat Athanas. Orat. 4. con-
tra Arian: Quia qui portat imaginem Regis,
illa adorat ipsum Regem: quippe cuius im-
aginatio non sit, quam Regis forma & species;
Ego qui Regem in speculo refulgentem viderem & ado-
rat, uno motu & Regem adorat & speculum, in-
Imaginem Regis; ipsum quidem Regem per
principaliter, speculum autem concomitanter,
per accidentem: ita est de adoratione Imagini Chri-
sti, & Sanctorum, quæ quidem materialiter sunt
minime, sed formaliter sumptæ, quatenus repre-
sentant sua prototypa, colantur & adorantur in
speciæ cultu, & adoratione conformi suis pro-
typis, ita nimirum, ut Imagines Dei & Christi.
Cidem est de Cruce & Speciebus Eucharistie.

per accidens, & respectivè colantur, & adorentur cultu Latriæ. Uti docent DD. communissimè cum S. Thom. 3. p. q. 25. a. 3. D. Bonav. in. 3. dist. 6. qu. 2. Imagines similiter B. Virginis, & Sanctorum per accidens & respectivè cultu Hyperduliz, ac Duliae coluntur, adoranturque. Lege Belarum. Keller. Valentiam.

§. VII.

Objiciunt Heretici.

I Nducunt variis locis S. Scripturam prohibentem fieri, ac coli imagines, sed maximè urgent primum Præceptum Decalogi Exod. 29. Non facies tibi sculptile, neque omnem similitudinem, quæ est in cœlo de super, & quæ in terra deorsum, aut eorum, quæ sunt in aquis sub terra, non adorabis ea, neque coles. Quo præcepto Heretici, & præfertim Calvinus lib. I. instit. 11. contendunt prohiberi non tantum idola, seu imagines falsorum Deorum divino cultu coli vel adorati, sed omnes prorsus imagines quovis modicoli, vel adorari tanquam per idololatriam: insuper Judæos contra hoc præceptū idololatrantes, & adorantes vitulum aureum omnino intendisse etiamagine vituli colere verum Deum, quod colligunt ex verbis eorum Exod. 32. ubi dicunt de vitulo aureo: *Hi sunt Dii tui Israël, qui te cœserunt de terra Ægypti:* Et Aaron indicens ipsum pro cultu vituli aurei præconis voce clamari posuit: *cras solemnitas Domini est, & quidem nomine Dei proprio Tetragrammaton Jéboval:* ergo, infertunt, cultus imaginum etiam veri Dei

G g 3

idolo-

470 Tract. II. In I. Precept. Decal. Cap. VIII.

idolatria est. II. Objiciunt tria Concilia, Elbertinum c. 36. ubi dicitur: placuit in templis non haberi picturas: ne id, quod colitur, & adoratur, in parietibus depingatur. Constantino politanum duplex: unum sub Leone Ionomachio alterum Constantinopolitanum sub Constantino Copronymo. 338. Episcoporum, & Concilium Franeofurtense 300. Episcoporum, quibus omnibus definitum sit: *Imagines abolendas esse.* III. Objiciunt Libros Carolinos quatuor contra imagines ex professo tractantes. IV. Objiciunt authoritates aliquot SS. PP. Irenaeus lib. I. c. 24. inter haereses Carpocratis ponit, quod coleret imaginem Christi, & Pauli. D. Epiph. haresi 79. dicit hæreticos, qui imaginem B. V. circumferunt, & adorant. D. Ambr. de obitu Theodosij: remnit Helena Crucem Domini, Regem adorauit non lignum unique, quia hic gentilis est error, sed adoravit illum, qui pependit in ligno. D. Hier. in c. 3. Daniel: Cultores Dei, imagines adorare non debent. D. Aug. de morib. Ecclesie c. 36. de talibus dicit: novi picturarum adoratores. D. Greg. lib. 7. epist. 54 & 109. expedit docet: imagines non esse adorandas,

Rationes hæreticorum nihil probant, nisi scilicet imagines non esse adorandas absolute, & inquit quod jam ultrò asservimus, ideoque præsumamus.

§. III.

Respondent Catholici.

31 A D I. In omnibus illis locis prohiberi veram idolatriam, quam coluntur idola, quae habent

habentur pro Diis, aut repræsentant pro Diis, qui revera non sunt Dij. Et certè primum præceptum Decalogi, quatenus quid divinum naturale est, non prohibet plus quam veram idolatriam, seu cultum verò Deo debitum tribuere idolis; quatenus verò Divinum positivum est, esto, quod sentiant multi DD. Deum in Veteri Lege Iudaicæ prohibuisse omnes prorsus imagines, eorumque cultum, utpotè populo nimium propenso in idolatriam; certum tamen est illa præcepta quatenus merè positiva & cæremonia per Moysen promulgata sunt, cessasse in Nova Lege, in qua Christus Legifer noster nihil de novo statuit quod imagines Ecclesiæ suæ determinationi relinquens: sicut etiam contigit in tertio præcepto. Contentioni hæreticorum, quod Iudei per vitulum aureum intenderint adorare verum Deum, repugnat apertè textus Scripturæ; ajunt enim: *hi sunt Dij tui*, in plurali; noverant autem verum Deum esse unum tantum: falsos ergo Deos intellexerunt, & coluerunt more Ægyptiorum. Unde Scriptura Deut. 32, hanc idolatriam ipsis exprobans ait: *Deum, qui te genuit, dereliquisti, & oblitus es Domini Creatoris tui*. Et Ps. 105. *Et fecerunt vitulum in Horeb, & adoraverunt scuptile. Obliti sunt Deum, qui salvavit eos*. An hoc est colere verum Deum? Quod autem dixerit Aaron: *etas solemnitas Domini est*; varias expositiones potes videre apud Bellarmin. tom. 1. controversial. 7. lib. 2. c. 13. Facilius videtur responsio Cajetani

472 Tract. II. In I. Precept. Decal. Cap. VIII.
tani in caput 32. Exodi: Quod Judæi idolatriæ ipsum verum nomen Domini tribuerint ibi illi, & forte hoc significare Scripturam Sap. 14. cùm dicit: *Incommutabile nomen lapidibus lignis imposuerunt.*

Ad II. q. Concilium Elibertinum nullo modo absolutè prohibere imagines haberi & coli, solum pingi in parietibus, ne, imminentे perfectione tunc adhuc frequenter lassiente, duos Christiani imagines pictas secum auferre & absconde non possent, Judæis ac Paganis Iudibrio fieri. Ita Bellarm. Suarez. & alii. Concilia vero de Constantinopolitana sub Imperatoribus Iconoclastis habita non fuerunt legitima. Cùm non modo summus Pontifex nec per se, nec per Legatos adfuerit (cùm tamen ex Regula Concilij primi Nicæni sine Sententia Romani Pontificis non leceat Concilia Generalia celebrare) verum nec libi Patriarchæ per se, vel per Legatos consenserint. Omnes porrò Authores antiqui de Conciliis sambentes illa duo Concilia vel omnino non memrant, vel aperte reprehendunt. Concilium item Francofurtense, quidquid in hac re statuerit, quia tamen (ipsis Madeburgensibus centuriis testibus) Adrianus Pontifex, & Legati eius non modo non consenserunt, sed acerrimè regnariunt, constat nullius fuisse auctoritatis. Vide Bellarm. Suarez. Layman.

Ad III. q. Libros illos Carolinos dictos nihil minus esse, quam ipsius Caroli Magni Imperatoris (ut imponunt hæretici) sed ab alio quoque

Sext. IV. De Cultu SS. Imag. & Reliquiar. 473

compositos, & à Carolo Magno Romano Pontifici ad examinandum transmissos, ut apertè constat ex eo, qui extat, libro Adriani I. Pontificis ad Carolum Magnum, in quo illi libri accuratè refelluntur, ut latius probat Bellarm. cit.

Ad IV. Evidens est SS. PP. illos loqui aut de adoratione statuarum more Gentilium: uti *Irenæus*, & *Hier.* aut de adoratione etiam Sacrarum imaginum, sed absoluta, & propter se ipsas: aut modis indebitis pet Sacrificio prout hæretici apud *Epiphan.* cit. adorabant imaginem B. Virginis. Et uno verbo prohibent cultum imaginum superstitiosum. Idem tamen PP. locis suprà allegatis apertissimè asserunt, & defendunt, cultum sacramum imaginum competentem, & religiosum: Hæretici autem dissimulatis claris auctoritatibus corradunt loca quædam obscura.

ASSERTIO V.

Reliquia Sanctorum licet, & sanctè colun-³² tur & adorantur, similiter tamen cultu & adoratione respectiva ad ipsos sanctos. Ita omnes Orthodoxi, est de Fide Catholica definita in diversis Conciliis in omnibus orbis partibus infra recitandis contra omnes hæreticos, qui sicut ipsis Sanctis, ita multò magis eorum Reliquiis omnem cultum & adorationem negant.

S. Dicuntur autem Reliquiæ Sacræ, quidquid ex Sanctorum ex hac vita decadentium corporibus reliquum mansit, sive sint eorum corpora, vel cadavera, membra, ossa, dentes, capilli, unguies, item cineres, ac pulveres, in quos eorum corpo-

Gg 5

ra

474 Tract. II. In I. Præcept. Decal. Cap. VII.
ra immediate conversa sunt: nam si plures mutationes in alias res factæ sunt, amittitur omnis habitus moralis ad Sanctos, ut proinde illæ res adorabiles amplius non sint, sicut etiam si decenter adorari non possunt, ut vermes è sanctorum corporibus nati: Ut notant Suarez, Sanchez, Lop man. alij hic. Sive sint eorum vestes, varia unifilia, quibus in hac vita usi fuerunt; item pannus quælibet res, quam in hac vita tetigerunt, vel corporibus eorum corpora vel membra sive vivorum mortuorum tecta fuerunt, prout docent D. communiter in hac materia.

§. I.

Licitè & sanctè honorantur.

331. **P**robatur ex Scriptura. Exod. 13. Moys discessurus cum populo Israelitico ex Egypto ossa Iosephi dudum defuncti honorifice cum asportavit. Deuter. u/l. Deus ipse horravit corpus Moysis defuncti, dum illud propr manibus sepelivit, ut argumentatur D. Hinc contra Vigilantium. 4. Reg. 13. ossa Elisei, qui tetigissent mortuum quandam hominem, con nuo is ad vitam revocatus est. Ita Deus honor Reliquias sanctorum. 4. Reg. 23. Cum Josias iubra idolorum everteret, aliorum ossibus in ceneres redactis, ossa tamen sancti Prophetæ thora reperta honorificè asservari jussit; adeoque ke intenderet omnem idolatriam extirpare, Reliquias tamen sanctorum honorandas esse censit Isa. 11. de Messia loquens ait: in eum genit perabunt, & erit sepulchrum ejus gloriosum. M

Matth. 9. Hemorhoissa solùm simbriam Christi fideliter, & religiosè tetigit dicens: *si solùm teri-*
gero &c. & sanata est. *Act. 5.* Populi certatim contendebant saltem obumbrari ab umbra Petri pro sanitate consequenda, & consecuti sunt; & quæ vilior reliquia, quam umbra exco-
giant potest? *Act. 19.* Pauli sudaria & semi-
cinctia deferebantur ad ægrotos: ut modò e-
tiam nos facimus cum Reliquiis, qui tamen om-
nes nullo modo reprehensi sunt, ut superstitioni, sed
potius præmium Fidei & devotionis suæ reporta-
bant: cur ergò nos Catholici ab Hæreticis repræ-
hendimur tanquam superstitioni, & idololatræ si-
mili devotione, & fide honorantes Sanctorum
Reliquias?

II. Probatur ex pluribus Conciliis iu omnibus mundi partibus habitis: in Oriente Concil. Ni-
caen. II. *act. 3.* Item Gangrense ante annos 1200.
can. ult. In Africa Concil. Carthag. can. 14. ubi
jubetur, ut nulla Altaria dedicentur, nisi ibi sint
Sanctorum Martyrum Reliquiæ. In Hispania
Concil. Braccarense III. *can. 5.* ubi statuitur the-
cam Reliquiarum in Processionibus gestari debere
manibus Episcoporum. In Gallia Concil. Eph-
esinense can. 25. in Germania Concil. Mogunt. tem-
pore Caroli Magni can. 51. In Italia Concil. La-
teran. sub. Innocent. III. *cap. 62.* Tandem Concil.
Trident. Sess. 25.

III. Probatur Authoritate, & doctrina unani-
mi omnium SS. PP. Ex Græcis. D. Athanas. in
vita S. Anton. de pallio Pauli primi Eremitæ.
Basil.

Bassil. in Ps. 115. *Pretiosa in confessu Domini*
 &c. Greg. Nyssen. *Oratione in Theodor. Mart.*
 Greg. Nazian. *Orat. 1. in Julianum.* D. Chrysostom. *serm. de SS. Juventio & Maximo.* D. Damascen. *lib. 4. de Fide Orthodoxa c. 16.* copiose
 & disertè id probans. Ex latinis verò D. Hilarius.
lib. contra Vigilant. ex professo inter cœtera adiiciens: *dolet Vigilantius Martyrum Reliquias*
preciose operiri velamine, & non vel pannus,
vel cilicio colligari, vel projici in sterquilinum;
ut solus Vigilantius, ebrius, & dormire
adoretur. D. Ambr. *serm. 93. de SS. Nazar.* &
Celso disertissimè. D. Aug. *Epist. 103. ad Quir-*
etianum. D. Greg. *lib. 3. Epist. 50.* aliique plu-
mi, quos omnes cum textibus invenies apud Be-
larum. cit. I. 2. c. 3. Coccium, Beccatum, Kelis,
 & alios.

IV. Denique probatur miraculis innumeris, utis divinitus ad SS. Reliquias religiosè cultas certè non fienda, si Deo earum cultus displiceret. Item miraculis super ipsa SS. corpora, vel Reliquias factis quibus Deus ostendit honorem ipsius debitum. Plena sunt monumenta Sanctorum Patrum, & historiarum, ut superfluum sit hic multum de eis referre. *Ratio* denique sumitur ab honesto & æquo: quia nimis illæ Reliquiae fuerunt organa sanctorum animarum ad omne opus bonum, instrumenta Dei ad miracula &c. quare nullus sanæ mentis eis honorem congruum denegare potest.

§. II.

Cultu tamen, & Adoratione respectiva
ad ipsos Sanctos.

Cum enim Reliquiae secundum se vere sint res³⁴ inanimes, incapaces culti & adorationis ab homine, ob rationem supradictam de imaginibus datam; hinc illae non secundum se, & propter se absolute, sed solum respectivè ad Sanctos cultu vel adoratione eis competente adorari, & coli debent; ita sicut, ut Reliquiae B. Virginis & Sanctorum continentur cultu respectivo Hyperduliae, & Duliae; Reliquiae vero Christi, quæ adhuc asservantur, cultu respectivo Latriæ, ut Christi præputium, ejusque Sanguis adhuc asservatus in aliquibus Ecdelis, posito etiam quod adhuc sit verus Sanguis Christi, ut affirmant D. Banavent. Gabriel. Suarez, parte 3. tom. 2. disp. 47. ſect. 2. Negant autem plures cum S. Thom. 3. part. q. 54. a. 2. certum enim est illum sanguinem, sicut & præputium non esse amplius unitum hypostaticè cum Verbo, ideoque non absolute, sed respectivè tantum adorari debere, sicut & aliae Reliquiae propter contactum carnis Christi,

II. At quid de Carne, vel Sanguime Christi ali-³⁵ quando apparentibus, vel miraculose factis ex S. Eucharistiâ? Cultu Latriæ absoluto adorati debere docent Sot. Major. Gabriel apud Bassæum verbo Adoratio n. 5. Quia putant eandem esse carnem unitam Verbo miraculose ibi reproductam. Sed prior est cummunior sententia cum S. Thom. 3. part. q. 67. a. 3. Suarez post Bassæum cit. debere adora-

478 Tract. II. In I. Precept. Decal. Cap. VIII.

adorari cultu solum Latriæ respectivo: cum enim ibi non sint amplius species Eucharistie, & conquerenter nec Eucharistia, nec ipse Christus, ne caro, vel sanguis ejus, non sunt eadem metus. Caro vel Sanguis Christi, sed illius imago tantum: mirum alia substantia miraculosè producta. Ideoque non cultu Latriæ absoluto, sed respectu tantum adorari possunt, quemadmodum Crucifixus & imagines Christi.

III. Eodemque respectivo Latriæ culto adorari debent aliæ Christi Reliquiæ ex contactu Corporis Christi sanctificatae, & honestè adorabiles. Crux, Corona spinea, aliaque instrumenta Passus Christi, Sudarium, Tunica, vestes aliæ virorum omnium particulæ asservatae. At quid de imaginibus ejusmodi Reliquiarum, seu rerum animatarum, quæ Christum contigerunt, ut fuisse imagines crucis, clavorum, coronæ, lanceæ, tunicæ, sacræ sindonis &c. &c. Imaginem Crucis esse Latriâ respectivâ adorandam: quia semper imago Christi, & proponitur ad representandam ejus passionem: aliæ vero imagines instrumentorum, cum non assumantur ad representandam Christi Passionem, seu Christum pallium, sed solum ad representanda illa ipsa instrumenta, vel vestimenta &c. quæ Christum attigerunt, deo non sunt adorandæ cultu Latriæ, sed solum ut interera signa honoranda, ut ex D. Thom. cit. neutrino Bassano cit. n. 7. Sermo est de ejusmodi Reliquiis, seu rebus inanimatis, quæ Christum terigerant. Nam.

IV. Ex

IV. Excipiendæ omnino sunt creaturæ rationales, quæ Christum etiam sanctè tetigerunt, ut B. Virgo Maria, Joseph, Apostoli, alter Joseph, & Nicodemus &c. Hi enim non sunt adorandi cultu Latriæ respectivo propter periculum idololatriæ (ut Sect. I. sub finem notatum est) sed cultu sis competente, nimis Duliæ, vel Hyperdulia. Magis excipienda sunt illa, quæ Christum gnominiosè tetigerunt: ut os Judæ, manus alamam infligentis, crucifigentium Christum &c. Hæc adhuc existerent: hæc enim ex contactu Christi non participaverunt. ejus sanctitatem ob eorum incapacitatem, & impietatem. Certè etiam excipiendum foret jumentum illud, cui Christus indebet Hierosolymam ingressus, si adhuc in toto, vel in parte existeret: quia licet contactus Christi sufficiens fuisset ad hanc adorationem respectivam, hoc tamen certè non decet, ut in pluribus aliis. Vide Suarez suprà cit. & optimè Candum v. Adoratio disquisit. 7. dub. 5. His conformiter resolvi debent alias quæstiones curiozæ hic proponibles.

S. III.

Objiciunt Heretici.

Scripturam, Matth. 23. Arguuntur à Domino Judæi, quod ornarent sepulchra Prophetarum, Deuter. ult. Deus ipse abscondit Moysis corpus: cuius ratio ab omnibus redditur, ne Judæi illud adorarent. Hinc Judas in Epistola sua refert. Michaëlem Archangelum altercatum cum Diabo-

480 Tract. II. In I. Præcept. Decal. Cap. VIII.

Diabolus volebat illud manifestare, ut occasionem
præberet Judæis illud adorandi: ergo &c. Addit.
Heilbronner supra præceptum divinum Gen. j.
Terraes, & in terram ibis: ergo in terram, in
sepulchra pertinent Sanctorum cadavera; non in
Altaria, in thecas, monstrantias &c.

II. D. Paulus *Colloff.* 2. damnat omnem cultum
arbitrarium, id est, à Deo non institutum, quoniam
vocat græcē stultitiam: cultus autem Reliqui-
um, imaginum, non est institutus à Deo, sed de-
ventus ab hominibus: ergo ab Apostolo damnat-
tus, & damnandus.

III. D. Aug. *lib. de moribus Ecclesie* c. 34. pre-
hendit sepulchrorum adoratores. D. Hieron.
Vigilantio objicienti esse idolatriam accenderet
cereos coram Sanctorum Reliquiis, aliud respon-
dere non potuit, quād id fieri à mulierculis, qui
zelum habent, sed non secundūm scientiam. Ia-
super *Concil. Elibert. can. 34.* dicit: ejusmodi
cereis Sanctorum Spiritus inquietari.

IV. Maxima pars Reliquiarum supposititia est
tum quia D. Aug. *lib. de opere Monach.* c. 21.
cum dixisset quosdam Monachos circumferre
membra Martyrum, addidit: *Si tamen Martyrum:* Quod si autem tunc temporis jam fiebant
imposturæ, quid nunc fieri credendum est? Tum
quia tam multæ Reliquiæ ejusdem generis reperi-
untur, ut operteat vel eundem Sanctum multa
corpora, aut certè gigantæum corpus habuisse,
multas esse falsas Reliquias: natum inde illu-
storum Reliquiæ in terris honorantur, &
rum anima in inferno cruciantur.

§. IV.

Respondent Catholicoi

AD I. Dominum non reprehendere Judæ-³⁷
os, quod ædificarent, vel ornarent sepulch-
r Prophetarum, sed quod non imitarentur Pro-
phetas, sed potius eos, qui illos occiderunt, & sic
seipso condemnarent. Ut exponunt eum lo-
cum omnes ferè SS. PP. Hilar. Hieron. Chry-
sol. Theophylact. in c. 23. Marth. Et Ambr. in
c. 11. Luca dicens: Propheticorum ædificatione
tumulorum sceleris eos, qui occiderunt, argue-
bant, & similium æmulatione factorum se quo-
que declarabant paternæ iniquitatis hæredes; non
igitur ædificatio, sed æmulatio sceleris loco æsti-
matur. Moysis corpus absconditum est, ne à Ju-
dæis, in idolatriam pronissimis, coleretur pro Dœ
verā idolatriā, ait Chrysost. hom. 8. in Matth.
illud terraes, & in terram ibis, significat homi-
nem ordinariè naturali morte in pulverem resol-
vendum, nihil de veneratione Reliquiarum: non
autem semper cadavera sub terra abscondenda; a-
diis & Deus male faceret, eos aliquando resusci-
tando.

Ad II. q. S. Paulum ibi prohibere non quem-
vis cultum voluntarium, sed superstitionem, ut
noltri Interpretes rectè vertunt, seu falsam Reli-
gionem, ut vertit Hieronymus Epist. ad Aglaiam.
Deinde falsa est minor: cultus enim Reliquia-
rum non est omnino voluntarius, ab hominibus
excogitatus, sed à Deo, etsi non expressè præcep-
tus, tamen inspiratus: ut patet ex Scripturis alla-
tis

tis §. 1. Quibus approbatus cultus Reliquiarum; cultum autem superstitionum & nos donamus.

Ad III. & Aug. reprehendere illos sepulchrorum adoratores, qui sacrificia panis & vini, alerumque epularum manibus defunctorum ad sepulchra offerebant, quibus deinde se se ingurgitabant sicut enim loquitur; Novi sepulchrorum adoratores, novi multos esse, qui luxuriosissime super mortuos bibant, & epulas cadaveribus exhibeant super scopulos se irosos sepeliant, & voracitatem, rietatesq; suas deputent Religionem. Sic illa Abusum ergo turpissimum reprehendit, non cultum debitum Reliquiarum, & sepulchrorum SS. Martyrum, quem alibi saepius disertissime affuit, & commendavit. Similiter D. Hier. & Concil. Elibertinum reprehendunt candelas collatas & accensas Martyribus solùm propter adjunctionam superstitionem: quod mulierculæ putarentur Sanctos Martyres illustrari. Ita enim obijiciunt Vigilantio: Magnum honorēm præbent hujusmodi homines Beatissimis Martyribus, quos putant de vilissimis cereolis illustrari; respondet Hieronym. confiteor, zelum Dei habent, sed non secundum scientiam. Cæterū ibidem pergit Hieron. in nostram sententiam: causabantur quondam & Apostoli, quod periret unguentum, sed Domini voce correpti sunt: neque eum Christus egebat unguento, nec Martyres inmine cereorum, & tamen illa mulier in bernrem Christi fecit, devotioque mentis ejus recordatur: & quicunque accendant cereos, secundum filium.

idem suam habent mercedem. Et ulterius obij-
tienti: quod etiam idolis accendebantur cerei in
signum Divinitatis eorum idololatriæ. Respon-
det Hier. Illud siebat idolis, & idcirco detestan-
dum est; sed hoc sit Martyribus, & ideo recipi-
endum est. Sic S. Doctor. Neque cerei accensi-
funt semper signum cultus divini, veri, vel falsi,
sed generaliter significant lætitiam & gloriam:
merito autem colimus cum lætitia Gloriam San-
ctorum.

Sic illa
, non cul-
irorum SS.
Sime alio
. Hier. &
ndelas ob-
pter adjunc-
e putare
n obijcien-
ent hujus
, quos pu-
onder Hoc
ed non se-
mi perge
usabanc
guentum,
que cum
tyres la-
r in hon-
us recipi-
secundum
filii

Ad IV. denique negatur Reliquias, quæ publi-
ca auctoritate in Ecclesia ad colendum publicè
proponuntur esse suppositicias: Quippe de quibus
Ecclesia semper diligentissimè inquirit, ne fraudes
fiant; esto in privato subinde errores contingent,
ut l. c. merito suspicabatur Aug. de privatis Mo-
nachis Reliquias ita circumferentibus. Ex dictis
patet, quid dicendum de oblationibus & peregrina-
tionibus sanctis, eorumque imaginibus factis;
de votis factis ad Sanctos patebit tract. seq. in
Precepto secundo.

ANNOTATIO MORALIS

De Sanctorum, eorumque Imaginum,
ac Reliquarum cultu publico, &
privato.

Cultus publicus dicitur, qui Sanctis eo-
rumque imaginibus, ac Reliquiis ab Ec-
clesia institutus est, atque ejus nomine exhibetur,
ideoque ad colendum publico cultu (Sacrificio
Missæ, Processione, Festo, voto communi ad il-

Hh 2

lum

484. Tract. II. In I. Precept. Decal. Cap. VIII.

Ium Sanctum , ejusve Reliquias, vel Imaginem) debet necessariò ejus Sanctitas ab Ecclesia publicè proposita fidelibus per Canonizationem, Beatificationem specialem, aut approbationem generalem, uti præcipitur c. finali. *De Reliquiis & veneratione Sanctorum.* aliquorumque Pontificum Decretis: quia rectus ordo exigit, ut publicè solùm colatur, qui publicè est propositus Sanctus. Et de hoc cultu publico potissimum hanc nus locuti sumus.

II. Cultus privatus dicitur, qui Sanctis, cumque Reliquiis, vel imaginibus exhibetur nomine & devotione privatorum fidelium, a quo ad ejusmodi privato cultu colendum aliquem Sanctum sufficit, si prudenter nobis persuadeamus illum esse Sanctum, seu Dei amicum in gloriam errandi, sicut in cultu publico; alioquin absque ejusmodi prudenti persuasione, seu morali certitudine sanctitatis, semper erit temerarium colere vel adorare. Et hinc

III. Per se, & secluso scandalo defuncti non tamen adhuc vivi absque speciali instaurando Spiritus Sancti quem Sanctum credis, licet posteris cadaver, vel Reliquias osculari; easdem cum honore servare, ejusdem imaginem depingere, & domi habere, die mortis ejus privatim colere, in ejusdem vigilia jejunare, eum orando invocare, preces privatas, *Pater, Ave, Rosaria, Psalmos*, in ejus honorem recitare, votum privatum ei nuncupare, in privatis colloquiis Sanctum,

Imaginem) vel Beatum nominare &c. & his similia : quia
Ecclesia publica omnia publicum cultum minimè sapiunt. At
contra

Reliquias que Pontificis, ut publice positus San-
mum hanc
Sanctis, exhibetur reliquiam, aug-
lium, aliquemque suadeamus
m in glori- e periculis
quin absque norali ceteri
rium colere
defuncti vici- ialis instituta
s, licite po- casdem cum
epingere, &
n colere, in
o invocare,
ria, p[ro]p[ri]etate
m privatum
Sanctus
18

IV. Non licet ejus nomen in Litaniis etiam privatis apponere, ejus imaginem in Altari, vel Ecclesia collocare ad cultum (secus si solum fiat ad memoriam vel ornatum), nec in Missa de eo commemorationem facere , seu in collectis Missæ , vel Officii divini eum nominare , nec ei vota publica nomine communitatis nuncupare , nec diem Festum publicum , aut Processionem in ejus honorem instituere , etiam auctoritate Episcopi , & his similia ; Quia hæc omnia , & similia vel publicum cultum supponunt, vel instituta sunt solum ad Sanctos canonizatos , seu publicè propositos venerandos . Hæc omnia latius post Suarez & alios . Lec- tio v. Sanctorum cultus , ex quo strictim Tam- butin . lib. 2. Decalog . c. 5. §. 1. n. 11. Et ex hoc ego.

C A P U T IX.

De Irreligiositate secundum excessum ,
seu superstitione , contra primum
Præceptum ut negativum est.

I Rreligiositas generatim est vitium opposi-
tum Religioni , seu Reverentiae & cultui
Deo debito , quemadmodum enim respectu Ju-
stitiae datur vitium in communi oppositum , quod
vocatur *injustitia* : & respectu temperantiae datur
Hh 3 vitium